

## غزل

یار مینوں وی خوشی دا مُوئہہ وکھا تھوڑا جیہا  
میری حالت زار اُتے مُسکرا تھوڑا جیہا  
موت دا تے زندگی دا آگیا اوہنوں سواد  
جینے چکھیا عشق تیرے دا مزا تھوڑا جیہا  
میری غم دی رات، میرا عید دا دن ہو گیا  
کیتا تیری یاد نے جد آسرا تھوڑا جیہا  
مولا جیہڑا درد ہوندائے درد منداں دا علاج  
مینوں وی اوہ درد ہو جائے عطا تھوڑا جیہا  
فضل چھڈ دے ویلے نوں تے سون ہمسایاں نوں دے  
رات مُک چلی اے ویلا رہ گیا تھوڑا جیہا

## مشق

- 1- پیٹھ دے لفظاں دے اُلٹ معنیاں والے لفظ لکھو۔  
خوشی، موت، تھوڑا، غم، رات
- 2- واحد دے جمع تے جمع دے واحد بناؤ:  
رات، عید، یاد، درد منداں، ہمسایاں
- 3- تھلے دے گئے شعر دی تشریح کرو:  
مولا جیہڑا درد ہوندائے درد منداں دا علاج  
مینوں وی اوہ درد ہو جائے عطا تھوڑا جیہا